



定 齋



和 唐

宋

蔗塘未定稿序

詩不可以無體而不當有派詩之有體成於時代闕乎性情氣格之所存非可以剽擬似可以陶冶得也是故去卑而就高避縵而趨潔遠流俗而嚮雅正少陵所云多師為師荆公所為博觀約取皆於體是辨衆製既明鹽韞自我吸攬前脩獨造意匠又輔以積卷之富而清能靈解即具其中合群作者之體而自有其體然後詩之體可得而言也自呂紫微作西江詩派謝臬羽序睦州詩派而詩於是乎有派然猶後人辨香所在強為臚列耳在諸公當日未嘗斷然以派自居也迨鐵雅濫

序

一

觴已開陋習有明中葉李何揚波於前王李承流於後動以派別槩天下之才俊噉名者靡然從之七子五子疊牀架屋本朝詩教極盛英傑挺生綴學之徒名心未忘或祖北地濟南之餘論以錮其神明或襲一二鉅公之遺貌而未開生面篇什雖富供人研翫者正自有限於此有卓然不為所惑者豈非特立之士哉查君蓮坡以詩鳴久矣蓮坡家海津去日下數百里而近舟車馳騫憧擾於耳目門墻授受誘接其心思宜其詩之囿於派而蓮坡掉頭天際縱心遙過所託意者山水禪悅友朋書卷之間通脫雄鷲滌煩釋滯標舉勝境流連景

光輒秀警不可刊置閒為艷詩及樂章非寡蘭佩菖之  
旨即花飛劍動之悟此其陶冶深而采擇富殆無體不  
苞以成為蓮坡之詩體歟蓮坡少嬰世網息機最早力  
田侍養澹然一無所營而通懷嗜學博極古今結友徧  
南朔有江湖旦過之目昔人所云隱不遠親負不絕俗  
者庶幾侶之讀者曰詩以儀其人并因其已刻者以想  
其未刻者知予言之不妄歎也乾隆八年春正月五日  
錢唐厲鶚拜手序

序

二

蔗塘未定稿目錄

花影庵集

無題詩

是夢集

抱甕集

竹邨花塢集

山遊集

柙簾詞

外集

賞菊倡和詩

目錄

花影庵雜記

芸書閣遺稿

遊盤日記

蓮坡詩話

集樂

影

卷



花影庵集序

予嘗從夏重兄弟游於慕園性情尤近稱素心者數十年如一日六數千里如一堂才子蓮坡承其家學稱著作林花影庵集一編其患難中作也一日以集來囑序予為雄誦竟憮然曰予固患難中人耳當險阻萬難時輒以詩歌寫其鬱勃見之者或以為韞矣蓮坡獨能處窘而平之含毫渺慮雖凜凜懷霜神明自勝其談為言也藹然廓然非涵養至深曷克致此或謂蓮坡因花印影以無相豁其根塵故以之名庵是集蓋其文字般若若耳予謂泡影露電宗諦固然若蓮坡行尚心亨憂患患之道實深於易試觀楊生棘寘繫艾者不少寓言倘必以清溪桃李為詩禪將白芷綠蒲都作師子比丘法界耶其寔風人之旨有非意識可求者持此以質吾慕園當必拈花動激咲矣康熙五十八年歲次己亥九月長沙陳鵬年

序

一

歲乙卯十一月余被逮羈犴狴黑風滿眼明年三月獄  
未成而事已雪乃有戚友敢入視查君貢木世交也然  
未謀面必欲至請室相見坐定訝曰此花影庵也余曰  
曷謂曰此地即余家心穀羈處也事定後一時名流携  
酒榼橐烟翰觴詠于此故為熟遊地余未識心穀而耳  
熟同年友趙君侯赤之言也其言曰司農心傷心穀之  
獄至甚其獄起於執金吾陶和氣陶和氣之為此獄也  
為司農草銅商事銅商金姓王姓者欲甘心焉而為是  
獄也心穀才人也余既懷亡友之言忽聞貢木之語心  
心穀非一日出獄後有客從柝津來携卷影庵集至酒

序

酣快讀歎曰此我朝唐子畏矣特其詩猶若有不釋然  
者夫乃猶見花而未悟其為影與抑見影而猶有花者  
存歟影已非花花不知影而見卷見影者一見於卷一  
見於影由卷悟影已落二三何況索卷于影也無卷無  
影乃有庵存此庵何名曰化城是但可小憩未至寶所  
何況卷耶又況花之影耶客曰寶所云何曰花影集是  
客憺懼而退烏虜能知此語如語實語非前後不相應  
語者誰乎吾非心穀是期而誰與期遂書為花影庵集  
叙得天居士張照

蔗塘未定稿

宛平 查為仁

花影庵集上

康熙甲午盡丁酉

予年十九被逮西曹越八年始邀矜釋茲集蓋合前後九年之所作也憶初拘繫時不啻促鮮之遊汀渚鍛翮之棲翳蒼奄奄朝夕自覺李志曹蜍去人不遠矣閒為歌詩以銷歲月時離相白雲兩前輩為詞場老宿同繫園土於是風火月黑侘傺無聊之際彼倡此和積久遂多而杜鵑老人及二三舊雨尤多贈答之作夫綴毫肺石之上染烟牢戶之中候蒼寒蟬自攄胷膈詎可附諸風雅今不忍棄擲者非獨哀予之遭實不忘諸君子鐫磨之益亦以感患難張首之懼為不可復得也花影庵西曹所居額名因以名子集

蔗塘未定稿

寄懷

憶與君別離乃在河之涓東風吹弱柳飄揚不自持香車屢回顧春帆任所之信宿到揚州家家烟火樓平康善歌舞公子多淹留我感夙昔恩苦吟達天曙不作隨流花但學沾泥絮採苓首陽顛人言苟無然至今猶抱柱辛苦悲流年願君光明心鑒取金石堅

上元前三日次離相主人韻

空庭小立聽春禽觸忤閒情憶舊林竹奮然豪前度事  
香殘酒冷此宵心愁看盈闕難邀月怕說虧成不鼓琴  
孤負傳柑好時節青門巷雨夜來深

上元夜集離相齋限韻

和風漸泮玉河冰梅放南枝見未曾陪鯉過庭知有教  
依劉作客愧無能辛盤泥飲元宵酒火樹驚傳上苑燈  
幸比山中知曆日莫言興味澹如僧

次方復齋題予新葺板屋原韻

幸與僂翁共入壺乾坤也有小規模漫言踪跡隨鴻爪

蕉塘未定稿

二

且喜瞻依接鳳雛學業嚴來懃北敗功名拋去悔南圖  
瓜廬不少同聲唱願共清樽酒載酤

次離相主人暮春午睡後偶成韻

漠漠輕烟小院深落花飛絮滿前林依巢燕豈為安宅  
命侶鶯將共寫心芳草斜陽初夢覺微風踈雨乍晴陰  
不知何處華胥國記否鈞天奏好音

重陽前一日看菊

先期落帽風籬菊隨偃仰清姿既蕭踈幽情復曠朗低  
昂映踈檣向背移虛幌堪錫壽客名應結騷人想青雲  
非所期白衣或相訪出山本無心遁世亦何快華堂媚

秋色望處混林莽小益植根深滿園得地廣霜天色益  
濃晚節香逾長凋殘順陰陽發育識遵養松筠擬共芳  
桃李謝已往彭澤愛獨深至今有餘響

附  
同作

徐天稽南皋

商飈宵頽林高盼時一仰浮雲廓以激天宇肅且朗  
衆鳥驚蕭索零露霑帷幌徘徊步庭除延佇發遐想  
豈種南山豆未暇東籬訪壯夫感遲暮志士困悒怏  
游鯤奮溟滓乘風適蒼莽一坯渺大塊曠然天地廣  
世運迭倚伏人事互消長悠悠順物情浩氣存我養  
咲被沮溺流果哉甘長往出處昧時行試與聞清響

蕉塘未定稿

三

重陽後一日疊前韻

四序忽迭更攬物增俯仰秋風黃葉鳴天籟清且朗露  
溥百卉腓涼風侵簾幌獨彼東籬枝長存傲霜想桃李  
詎能儔幽人許相訪凌寒吐紫莢抱負無悒怏負此淨  
直姿勁節軼草莽特立戴天高孤根占地廣惟茲白帝  
功生意與時長亭亭任摧殘堅凝有素養登臨感鬢華  
不隨流水往曠觀足深思日月捷影響

薔薇

紅膩叢差艷彩霞柔莖低亞傷窻斜牆頭未許全身現  
葉底還教半面遮青刺牽衣如有意黃金買笑屬誰家

不栽桃李君休訝，軋軋仙機五色詩。

春日即事

虛傳蘇小住湖頭，罷舞停歌知幾秋。尚有桃符迎臉咲，不堪柳葉效顰愁。六橋彩袖紛如蝶，一水蘭橈泛若鷗。畱取當時詩句在，閒從卷尾認杭州。

愧于青帝本無功，合受淒涼坐此中。錦幄豈能全蔽日，繡繡未信會占風。虛憐玉兔拋殘粉，詎惜香魂葬落紅。唐突西家應憾悔，他時願作灌園翁。

寄盤山昭狀上人

盤山蒼翠路逶迤，時憶高僧隔霍陂。為問亭偏三五樹，

蔗塘未定稿

四

于今花叢幾多枝，禪心澈徹空無際。詩意蕭疎老不移，念忝迷津空握粟。兜羅綿臂若為垂。

獨酌

曠觀今古悲徃復，烏兔輪遷何太速。北寺晨昏歷幾年，賢愚貴賤同板屋。轉眼東皇織錦成，三春花鳥豈無情。一朝紅歌香消後，鶯燕空為鳴不平。玉津金谷無從探，紅燭高燒灰冷澹。傷心夜半琵琶聲，一彈三歎有餘憾。且酌新醅且賦詩，就中淒楚惟自知。恍惚乘舟上巫峽，卧聽哀猿腸斷時。

老梅

竹外斜開女字枝水邊籬落總相宜孤根已信風霜飽  
不用東君為護持

鐵骨錚錚不可攀暗香却在有無間移家決計羅浮住  
不與梨棊夢一般

附  
同作

談汝龍  
半村

不似離亭柳易攀置身林下與山閒私門近日多桃

李獨抱幽芳豈一般

豈是岩棲欲待時年年冰雪見丰姿儼然山澤一癯  
老宵學時人肥且痴

遊清詞四首

蔗塘未定稿

五

宵為雲雨上陽臺一曲霓裳白自裁滿徑藥苗花爛漫  
有誰採藥入山來

春衫新試五銖衣流水桃花徑不迷玉簫一聲吹夜月  
戲招鸞雀往來飛

昨夜飛軒碾碧霞海天飄渺盡為家道逢紅線誇奇術  
袖出雙龍舞劍峯

水晶簾外積苔錢小立瑤階整翠鈿紅樹滿園迷蛺蝶  
無人知是曬花天

疊前韵四首

凌虛縹緲起仙臺闌檻高低費主裁約得三山諸女伴

共驂鸞雀月中來  
藕絲裙子碧綃衣  
顧影翩翩我亦迷  
莫怪吹簫奏美玉  
有人同矚鳳皇飛  
姊妹情親記碧霞  
層城十二隔伊家  
朝來特遣雙鬢至  
折得扶桑數朶花  
殘春零落白榆錢  
散作人間碧玉鈿  
見說仙家少離恨  
蘭香底事下瑤天

自警

深山林麓間  
虎豹威斯逞  
置之檻阱中  
奚所施其猛  
一日心已灰  
何況歷時永  
君子蹈危機  
習坎當自省  
蠅緣必有隙  
清夜更懲儆  
傲履霜堅冰  
至名禍非俄  
頃困心衡慮時往  
往喻要領

蔗塘未定稿

六

惡影莫現形  
惡聞莫擊聲  
爾室嚴屋漏  
古人豈狗名  
清淨不在壟  
喧囂不在城  
逐境而轉移  
所學終未成  
君子行素位  
更無外慕心  
得失非所計  
千載稱賢英  
或二三其德  
士林咲其妄  
終身無端行  
而竟成漏網  
彼志潔行清  
子然無用黨  
殃及同池魚  
何從訴厥枉  
天高聽常卑  
不聽亦往往  
君子固懷刑  
豈易安天壤  
脩身以俟之  
哲訓我所仰

離相齋與談半村分賦

桃李開艷陽共悅好顏色松柏秀崇岡無人宵相識一  
朝秋風至萬卉歟衰息回顧南山南勁節峩峩直霜雪  
顯孤芳寒暄變通塞所以乾初交待時未可測  
輦馱陋巷中子淵殊自得捉襟露肘時原思無慚色貧  
豈足累人人心自偏側處貧而有慚其中知薄植前古  
與後今吾心何軫域尚論窮其微進退庶不忒

和方屏垢水部秋日雜咏韻

髮已隨時短愁應共夜長酒無千日醉事有百年忙未  
了償詩債無端負劍光草廬猶夙昔人自別南陽

和曹克賓大遊仙詩原韻

蔗塘未定稿

穆王讌王母於九光流霞館

七

命駕瑤池舉翠華早開仙館駐雲霞風飄絃管聲常逸  
月映霓裳影欲斜靜檢神方傳絳簡醉看藥圃護銀砂  
不知誰種蟠桃樹借問于今幾度荅

漢武帝將候西王母下降

僊樂飄飄雲外峰飛軒依約駕虬龍千官屏息皆持節  
萬乘齋心早歛容青鳥先傳今日信香臺已過及時鐘  
碧天如水星如滴一片秋聲見雀蹤

漢武帝於宮中讌西王母

霓旌迴繞伺仙壇疊奏雲璈滿禁懽丹訣莫從身外覓

素書只向性中看  
三山携到花先放  
午夜初分酒欲寒  
宮女殷勤添畫燭  
雞人為報已更闌

漢武帝思李夫人

便學嫦娥去不歸  
天邊猶見玉輪飛  
斷腸難禁新添淚  
踏物休提舊賜衣  
珠箔尚垂踪跡杳  
金屏空幃語音稀  
夜來最恨東風急  
吹落宮花滿太微

劉晨阮肇遊天台

歷遍奇峰耳目新  
溪明石淨迥無塵  
烟霞似截紆迴路  
雲樹堪迷恍惚身  
醉眼風光天外景  
賞心物色畫中春  
如何鸞雀裏回霞  
只見桃花不見人

蕉塘未定稿

八

劉阮洞中遇仙子

洞口凌雲松檜蒼  
洞中層折路微茫  
柳池燕尾纖於剪  
花閣鶯喉滑似簧  
臨檻漸聞環珮近  
塞簾遙見翠蛾長  
從容笑問來何事  
慚愧迷津採藥郎

仙子送劉阮出洞

天雞唱徹別天台  
相送殷勤洞口來  
柳絮更飄何處去  
桃花好認幾番開  
暫隨殘月沉還起  
莫學東流逝不迴  
寂莫春風簾幙外  
可堪凝想立蒼苔

仙子洞中有懷劉阮

西風吹動薄羅裳  
空繫飄飄繡帶長  
滄海潮迴猶往復

遠天鶴去竟微茫  
寂寂永鎖巖花艷  
冷落惟餘澗草香  
彩筆賦成應有寄  
莫教才盡是江郎

劉阮再到天台不復見僊子

曾記巖峰石路真  
重來唯見罨頭塵  
花靨閒落渾無主  
樹影空團那有隣  
隔水悠悠青嶂晚  
斲霞寂寂碧莎春  
瑤臺金闕嗟成夢  
可否還憐夢裏人

織女懷牛郎

惆悵銀河寂莫流  
耳邊消息抵泥牛  
織成錦字空題恨  
掬盡寒濤難洗愁  
目極危樓雲漠漠  
心飛隔水樹悠悠  
綵虹好倩為梁渡  
底事佳期定到秋

蔗塘天定稿

九

玉女杜蘭香下嫁於張碩

星軺雲路杳茫茫  
忽降婵娟滿異香  
月下但聞千里定  
天邊誰繫一絲長  
綠窻花好宜評茗  
繡閣碁殘恰進觴  
合向蘭閨分大藥  
瑤臺同日跨鸞凰

張碩重寄杜蘭香

一去三山碧樹秋  
輕雲漠漠水悠悠  
青鸞已杳難傳信  
芳草多情易惹愁  
神女偶來巫峽現  
姮娥終向廣寒留  
不知侍宴瑤池後  
可憶長吟人倚樓

蕭史攜美玉上昇

笑指三清路不遙  
凌雲攜手思飄飄  
仰觀閭闔春和煦

俯瞰樓臺畫窳窳，綠華隨明月。至董雙成踏彩雲，邀  
只今碧落風清夜，隱隱猶聞雙鳳簫。

皇初平將入金華山

喜入仙源路不賒，洞中別自有韶華。玉沙鹿竈朝烟碎，  
翠岫鸞迴夕照斜。半嶺蒼松堪作伴，一溪明月可忘家。  
雲窩況有琳宮在，百尺樓臺萬樹花。

王遠讎麻姑蔡經宅

爭開姚魏滿庭香，鸞馭邀看卷裏王。暫假幽齋傾玉液，  
徐聞仙樂奏霓裳。共論滄海三番變，更訝扶桑万里長。  
飲罷欲聽黃雀笛，洞庭一葦未能杭。

蕉塘未定稿

萼綠華將趨九疑，別許真人

星斗縱橫繫碧空，依歧路意無窮。玉簫吹處情隨咽，  
翠蓋移時漏未終。掩鏡罷邀侵幌月，佩環閑趁落卷風。  
相思莫悵天涯隔，只近瀟湘烟雨中。

紫河張休真

松杉繞屋鎖寒烟，捲盡濤聲落枕前。駿去休論三萬里，  
窄歸又見一千年。琴樽不夜籃中月，時候長春壺裏天。  
自守丹爐閒杖履，只教鸞鳳倚花眠。

研山四詠為周策銘前輩賦

明月峽

原序：峽江之水穿三峽而下，層巒疊嶂，迴清  
倒影，七百餘里，畧無斷絕，而明月峽尤勝。茲

石中峯高三寸許左二峯相連右一峰亭亭獨立廣与高等兩峯多小坡細澗廣加三之一厚殺其半石理純黑右峯之頂白石一瓠大如豆質極圓潤非假雕琢其外壤有黑石相銜似微雲承月狀因以為名

昔聞三峽中嵐氣侵衣濕數峰何宛然參差青筠笠轉訝半輪秋也泛清溪入

獨醒石

原序昔李文饒平泉莊有石醉時倚之輒醒楊康功藏一石如醉道士伏東坡為之作歌

同一石也或醉或醒其不同固如以與是石滄洲陳太守所遺高二寸有半凝然端立如人之拱而翼者滄洲飲酒多而不亂爰錫茲名以誌良友之贈云

風流懷太邱飲不論斗石忠蓋感楓宸愧死斗筲客獨醒六何傷石與人不易

青鸞

原序鸞之為狀雞頭燕頤蛇頸魚尾茲石最為神似色深青故以青名頭高一寸有半尾二寸

蔗塘未定稿

周身有紋茸然頸細而縮翼坦而垂尾翹而直殆鸞之棲者歟

十二

不聞聲噦噦來此知何年美人恨信杳望眼愁將宰豈其傷鍛羽罷舞棲寒烟

積翠

原序一石色純綠視明月映差小高與之等空

中秀外幽巖邃壑不可摹繪中天積翠石勢參差杜子美寄興渙樵便思終老子庶幾神遊焉

嵐岫碧於藍雲樹細如髮空翠撲人衣陰晴轉倏忽彷彿玉臺觀仙人可提挈

和賀典文送春韻

故園春色定全非藥圃應開金帶圍青帝莫嫌無祖錢四年來此不曾歸

臨歧惜別豈無情着意題詩總未成  
斗酒雙柑猶易得斷無消息是流鶯

齋中芍藥盛開得二絕句

浩態狂香送數枝  
膽瓶斜插艷紛披  
東君也自饒歸思  
裁出將離春暮時

和烟和月捻愁端  
小立東風耐薄寒  
姚魏即今難問訊  
先邀近侍倚闌看

次答程廷儀畫夢見寄韻

羨君化蝶赴陽春  
對語花間彷彿真  
我似隴禽經久錮  
并無飛夢可尋人

蕉塘未定稿

懷遠

山河已隔路東西  
別緒還教着意題  
身似楊花難自主  
跼如萍葉豈能齊  
飛沙渺渺愁無際  
斷磧重重夢六迷  
生入玉門猶未卜  
天書何日下金雞

書秋二首

數聲嘹唳度烟鴻  
又引秋光滿碧空  
楊柳夢殘驚玉露  
海棠魂斷怯金風  
題箋欲寄愁難達  
對酒無聊計已窮  
莫怪淒其悲宋玉  
夜深砧杵隔牆東

可能高舉似冥鴻也  
向南飛叫暮空  
萬里蒼茫雲樹影  
一溪蕭瑟芰荷風  
忽聞吹笛腸堪斷  
待想乘槎路恐窮

何處相期人不至金臺西去玉池東

次答鍾調元秋日見訪阻兩夜話韻

共坐聽秋雨淒然涼氣侵不教成蝶夢惟解滴蕉心  
拔劍鐙前舞題詩醉後吟通宵曾不寐情為故人深

聞鴈

似草非真書碧空如啼復咽聽難窮入秋不耐龍荒雪  
向暖爭過雞塞風人靜有聲來枕上月斜流影度墻東  
江湖滿地虞羅巧莫信飛鳴墮術中

題戴酒圖

扣舷獨酌歷江村風景依稀近白門欲吊乘潮李供奉

蕉塘未定稿

十三

如山雪浪海天昏

浮家未識幾經秋麴可成山糟築邱甘向青州從事老  
絕交書已到皇州

李仁山將之汴城率寄一絕

聞道仁山賦遠行秋河望斷水盈盈此身安得如明月  
一夜隨君到汴城

賞菊二首

黃菊窺籬作好秋五年清夢隔悠悠何來野老敲門入  
却送霜枝破客愁自植幾叢當檻列更刪數朵小餅留  
花開便是重陽節莫惜風軒洗琰酬

略同蒼苦不須猜佳客如雲次第來澹處何嫌邀月看  
瘦時偏耐倚霜栽滋根尚有寒蛩伴晚色休教白雁催  
鈔得玉函方一卷眼前懷抱好為開

綠牡丹

竹間水際擅佳名謝客當年賦不成草色扶闌渾未辨  
苔痕過雨暗相迎石家樓上珠為蕊京兆奩前螺染英  
若遇羊權情不禁仙娥彷彿下蓬瀛

長相思

宇宙有時窮相思無日去萬歲千秋骨已灰一片相思  
着何處年年應寄杜鵑聲宵逐烟花與風絮

蔗塘未定稿

孟

六道木拄杖為湘南上人賦

傳聞湘公杖遙從五臺來非藜亦非竹滑澤無纖埃堅  
似甍竇七尺鐵湘公杖之與人別六道輪迴在掌中不  
二法門無枝節有時卓錫在高山迸出流泉香且潔有  
時騎出作龍飛手探天花散如雪杖不足奇杖者奇杖  
杖之人僧中傑我友胡郎作杖歌倚歌而和殊迂拙他  
年若得從師遊莫叩予脰戒饒舌

呈陳滄洲前輩

甘棠到處樹穹碑重沐恩波上鳳池手費丹黃書卷賸  
心田清白 聖明知十年勘破春宵夢八首吟成秋興

時鼎鼐調和方有待，萬鱸莫動故園思。

題紅樹上人小照

不須彈素琴，捲簾月如水。人在琴心中，琴在人心裏。

七夕雨

久向鷓鴣借一枝，年年此夕不勝思。可憐濕盡蜘蛛網，枉却人間乞巧絲。

秋日襍咏同吳寶厓作

雨

禱應桑林點點金，何勞飄洒到秋深。分明滴碎芭蕉葉，不是芭蕉是客心。

蔗塘未定稿

風

淒淒惻惻攪人懷，一為披襟立綠苔。昨見埽除黃葉去，今朝底事又吹來。

月

雲淨長天夜氣清，空庭如水袷衣輕。斷腸聲是誰家笛，吹徹關山幾處明。

露

金盤承作還丹用，漢武求僊到底稀。今日西風茂陵樹，依然點滴似珠璣。

鴻

菰米稻粱真細事南飛曾不顧虞羅勸君莫更排成字  
咄咄書空欲柰何

蛩

蟋蟀莎雞總化生牛閒堂裏鬥商聲可憐半壁山河在  
付與平章不肯贏

蟬

殘暑漸消吟漸歇尚依衰柳傍清池世人誰復憐高潔  
吸露餐風自苦為

笳

悲殺互動霜華冷豈是文姬歸漢時十八拍成腸欲斷

蔗塘未定稿

去

有才無命復何施

和昭然上人山居雜興韻

久結盤山想塵顏未許窺林泉真絕俗詩句更爭奇雨  
過峰疑逼雲來樹忽移坐觀激萬慮終日可忘飢

聞說幽棲處開門深塢中亂流圍舍淨叢葦覆岩紅入  
夏疑藏雪經冬不受風何須泛滄海即此是仙宮

舊草亭無恙跣趺不記年觀空水扈月見性宅中蓮雉  
覓經臺食狐馬禪榻眠師每晨起有雉數十求食  
冬夜兩黑狐卧于榻傍閒來無一

事洗鉢弄清泉

一水天開鏡孤峯石起樓虛前有澗一泓清鑒毛髮後  
有峰突起可以眺望各石樓看雲

菰米稻粱真細事南飛曾不顧虞羅勸君莫更排成字  
咄咄書空欲柰何

蛩

蟋蟀莎雞總化生半閒堂裏門商聲可憐半壁山河在  
付與平章不肯贏

蟬

殘暑漸消吟漸歇尚依衰柳傍清池世人誰復憐高潔  
吸露餐風自苦為

笳

悲殺互動霜華冷豈是文姬歸漢時十八拍成腸欲斷

蔗塘未定稿

二十七

何時止聞道在長安猶未取金紫詩書多悞人便取奚  
為爾經年不得書一紙客來消息傳疑似妾身不能歷  
長途日日為君愁欲死昔日小兒女今皆粲成行空知  
爺姓字形容俱已忘凋零門戶誰能當水田賣盡沙田  
荒登樓極目雲茫茫呼天不應涕霑裳何時行李還家  
鄉得似白頭鷗鷺偕徜徉

行路難

萬堂置美酒欲酌無與歡哀絃急管且莫奏為君高歌  
行路難黃河九折多迴瀾太行萬仞摧心肝篙師輿人  
少不慎顛危頃刻空長嘆空長嘆六奚補我不登高與

臨深安居猶可避其苦君不見方寸之險險莫當咲談  
樽俎含鋒鏃令人悞蹈魂飛揚歌罷壺中酒初盡慘然  
紅燭無輝光

秋裏

又見庭槐落羈棲已六年柴門常裏足板屋類乘船青  
髻愁中度黃花霜裏妍前程真似漆何處問金仙  
月影和霜白三更夢不成風愁撼樹響鼠厭數錢聲迸  
淚唯堪咽呼天不宥明童蒙曾幾日回想似他生  
詞客歸遠海雄才赴北邙老梅詩絕和枯樹賦偕傷大  
雅原難振斯人詎忍忘西窓風雨夜聞蓬感山陽

蔗塘未定稿

十六

傳呼秋讖速沈滯望矜矧  聖主恩何溥羣公法自持  
安排消歲月偃蹇負茹茨總有田園想歸耕未可期

禁煙

春陰漠漠護苍天到處人家共禁煙不道朝來留宿火  
死灰依舊客心然

夜半

夜半忽作殺如咲復如哭良久省屋東老鴉叫惡木一  
叫奪人魂再叫削人肉疑有鬼物憑恠誕轉反覆白日  
憂如燔椰揄苦張目更堪攪不眠兩耳攢飛鏃心事集  
萬端亂絲貯滿屋咽乾呼勺水痴童睡方熟

榆堡

臨川憶北遷，蕃畬饒百畝。聚族恒於斯，耕讀樂相守。吾祖官維揚，携家向南走。田園授弟姪，不得親桃李。父客天津，忽逾三十年。故居隔帶水，杳邈如雲烟。微尚愛邨居，命駕常流連。書樓積秬秠，花圃成硤田。流傳往時事，眼中俱茫然。祖母痛辭世，卜壤營新阡。逝將賦招隱，桑梓相周旋。撫躬猶患難，負此芑三椽。

南遊

倉卒作南遊，所歷愜富覽。十里西湖畫不成，總宜船上看。嫌晚彈指前遊一夢中，黃塵清水疾於風。李斯見事多遲誤，上蔡東門恨不窮。

蕉塘未定稿

九

白家園

我憶白家園，蔥蒨儼山林。繞砌羅踈花，壓檐喧幽禽。池外闢高館，不受囂埃侵。時或挾書坐，六作擁鼻吟。偃息條二載，畫祛塵俗心。無端牽率走金臺，誤觸虞羅未許回。泉石空留泥上爪，軒窗漸澆雨中苔。人生適意須行樂，平川頃刻風波作。今日淒涼感舊時，舊時底事離邱壑。

天壇

天壇森邃殊，塵寰松耶柏。耶望若山繚，垣數里蒼壁。環

中多美蔭清且閒芝房桂館戶接銀昔年儻舍曾掩闕  
舍傍有水沝瑒潺花枝姪姹舒紅顏上有飛鳥鳴喧喧  
呼吸帝坐思躋攀悔不儕身紫府班凌雲飽噉金膏還

重来

衡門兩板先生住重来不得重歡聚沿階春草太無情  
夕陽滿地青如故記得年時同覓句樹頭催送瀟瀟雨  
淒絕黃公舊酒壚招兔難問青楓路

和沈東隅冬日感懷韻十首

荒荒斜日澹林端坐擁書城結古懽入夜每嫌清漏促  
當風無那澈裘寒雀長鳧短道人論芟暖菱寒隨分餐

蔗塘未定稿

二

會得碧翁顛倒意羊腸千折路非難

捨地真同鳩鶯飛心灰形槁掩雙扉英雄豈必論成敗  
生死終當判是非仄磴松歌如鶴唳微湍兩過長魚衣  
舊遊俯仰皆陳跡吟倚闌干益倍歎

愁來短髯百回搔燕自西飛東伯勞出處何心須俟命  
文章無口任吹毛腹中未與時宜合腕底空憐格調高  
我識法門原不二從今那羨夢江毫

簾裊藩溷搃隨風花落花開一瞬中莫訝升沈同幻影  
須知榮辱等苓通孤眠每覺腸如結不櫛從教首似蓬  
但乞聲聞長斲絕此身宵作可憐蟲

漸看葭瑄動年灰 詔下蘭臺四庫開閣上校書藜作  
炬殿前領膳玉為杯 高文典冊千秋業 東馬南狐一代  
材 早晚定承宣室召 龍山東隅移居龍山未許賦邇來

強學神僂小自然 心安不使作旌懸 歲行盡矣聊為樂  
日飲亡何只自憐 雪意垂垂雲著地 風聲獵獵鴈連天  
近來更覓蕭閒法 讀畫攤書結淨緣

悔不拋將利市衫 長教石闕口中銜 徒勞麥壠思驅犢  
未得松根走荷鋤 心比霜前楓 易醉愁同雨後草 難芟  
憑誰攀取鷲谿絹 寫我支筇上翠岩

宛然靜曲與幽坊 草長園扉列雁行 輒喚奈何歌未闕  
蔗塘未定稿

十一

誰能遣以睡為鄉 具茨路遠迷蒼莽 少海波翻阻混茫  
矛浙劍吹都歷盡 丹臺不滅有靈光

爆竹敲中黯自傷 驚心歲事去堂堂 頗嫌雪壓重衾冷  
差喜梅開一樹芳 箏柱參差音久斷 碁枰零落局全荒  
旅懷百結無由展 縈繞還如抽藕腸

仙屋家傍水雲鄉 吟愛黃花寄一觴 丙申秋予有賞菊二詩近道士董守素扶

乩有天津水仙和子原韵并述出處甚悉道士錄寄事頗幽異 少見莫猜馬腫背 奇聞果信  
樹生薑 三危漿吸元都客 十賚文成紫府郎 早晚鞭鸞  
同著句 好聽朱瑟奏娥皇

再用前韵十首

籠鳥池魚感百端且扶靈杖強為懼晨昏差得侍顏色  
風雨微知問燠寒自今析薪慙負荷幾時索米勸加餐  
六州有鐵雖能張錯字而今欲鑄難

目斷寒雲一片飛眼枯知尚盼因扉誰言萱草憂能忘  
待哺慈烏事已非陸續心傷新寄食孟郊吟苦舊縫衣  
板輿他日容將母話向花前應累欷

報劉無路首頻搔寂憶童年鞠育勞總帳忽驚歌薤露  
薜門何計薦溪毛名呼百藥憂常劇泪灑重泉咽不高  
自恨出門車軸折難銘祖德托宣毫

雁影參差趁曉風孤飛踠翅入笈中大雷岸遠書初寄

蔗塘未定稿

三

春艸堂深夢未通幾日寐寤同谷詠全家飄泊九秋蓬  
回思竹馬歡娛地砌冷青苔樹甯蟲

閑闕撥盡地爐灰笑口今為弱弟開弄筆六能塗作字  
苗賓也解坐銜杯一經須紹傳家業大器還期作棟材  
暫破親愁端藉汝好呼潼母日携來

秋水停雲思渺然寸心渾似酒帘懸能言飛鳥真難信  
不噬飢麟劇可憐虛諾竟同名畫地空拳也學柱擎天  
自知骨相生無媚落落還應踈世綠

澆松有夢泪沾衫愁對西山落日銜大隱難成孤卜築  
先疇未服憶長鏡春秋霜露原多感坳隧榛蕪孰與芟

空羨龐公携榼去清明上冢入重巖

少小曾過履道坊未成奠雁却分行功名可咲同槐國  
日月唯應入醉鄉事至此耶甘寂寂客何為者感茫茫  
霸陵倘得同偕隱慙愧蘆簾對盃光

曆盡關心百事傷只將一語祝高堂  
牕前慈竹寒逾翠庭畔榮椿晚更芳  
韋氏遺經如有託杜陵老屋任全荒  
殘年懷抱難為遣誰道吳兒木石腸

辛盤風味似江鄉  
羈客誰過循一觴  
六有鱸烹吳下膾  
不須萸煮蜀中薑  
燼温自可煨商陸  
酒釀還須呼索郎  
聽卜新年多吉兆也  
拚燒燭待東皇

蔗塘未定稿

宛平 查為仁 心穀

花影庵集下

越戊戌畫  
庚子三月

題長江萬里圖

岷峨發源流何長自蜀歷楚來吳鄉天下奇觀畫一幅  
令人對此心茫茫我欽大禹明德遠衆流奔匯趨三江  
逝者如斯長不息東南界破聲淙淙石頭城下荆榛蕩  
六代興亡何足怨朝歌暮舞敵軍來空有殘兵稱百萬  
大孤小孤隔幾里江流到此險無比風帆直至黃鶴樓  
儼然人在銀河裏西去程途似有無烟雲縹緲眼糝糊  
可憐萬里槁邊勝不付丹青入畫圖

蔗塘未定稿

一

燕子來二首

忽覩差池影隨春到我家錦箋題別恨可否寄天涯  
萬里飄飄至依然不失羣昭陽方得寵且莫進殷勤  
東隅以豐臺看芍藥詩見示依韻畲之

幾年空負看花遊浩蕩誰能似白鷗咫尺豐臺比天上  
漫將春夢說揚州

生香活色畫難工時候分明近祝融寄語當筵須痛飲  
匆匆吹盡甘番風

無風無雨趁晴光檀板笙歌醉幾場外地見花真有幸

休嫌寂寞似韋莊

和杜鵑老人秋日將還故山韻

新詩賦就似天衣已厭塵喧錫欲飛元鳥尚知逢社去  
白雲寧忘向山歸銀臺金闕先通夢布韞芒屨早息機  
為問當時來往地故交猶是抑今非

越絕山川畫不成擬偕鴻雁向南行露如集霰蒲團重  
風似推帆竹杖輕晚徑黃花開有色曉程殘月落無聲  
緇廬歸去詩盈袖應比耶溪分外清

送調元由中州至江南二首

西風鼓樹葉颼颼送爾登程事遠遊客裏為家還作客

蔗塘未定稿

二

秋來覓句恐驚秋行看驛路黃花綻好訪淇園葦竹修  
若過樊樓燈火夜莫因歌舞以淹留

梁園東下接東吳曾繫扁舟問酒壚烟月揚州香作國  
鶯花隋苑畫成圖我歸夢寐情猶戀君去平章與不孤  
他日奚囊滿佳句一尊軟脚為先沽

秋日杜鵑老人沈東隅談半村鍾調元集昨非  
齋再送調元二首

靜掩雙扉日減歡欣逢飛錫下雲端天香飄月還迎閨  
籬菊經霜總耐寒劇飲已拚蕉葉醉苦吟殊恠筆花殘  
諸公挾藻皆珠玉擬借清光照夜看

忽忽秋深收橘天吹臺人去若為憐一卮舊雨兼今雨  
千里朝烟隔暮烟已袖吟鞭隨雁後早期歸信在梅先  
今宵莫惜如泥醉從此思君明月邊

秋思

騷屑聲從何處來旋吹黃葉積成堆一回聽去朱顏改  
羈客能禁聽幾回

秋懷和杜鵑老人韻

為隔重垣費討論携筇時幸過晴軒未知佛法誰堪並  
只數詩家師獨存滿運松篁思祖地老年瓢笠懶王門  
西風客邸多珍重莫望天南易斷魂

蔗塘未定稿

三

釋名儒行六通仙海內清名豈偶然廿載精思能拔俗  
百年粗糲總隨緣溪聲山色西來意春暘秋陰南國禪  
為問經寮餅鉢侶幾人曾與一燈傳

計臘初踰花甲年軟紅猶滯素商天此心實有難言者  
流俗寧知所以然一炬靈光憂莫振千秋良冶慮難傳  
碧天涼月明師意恠底清宵夢未圓

踪跡何妨東復西人言一任屬無稽歷經幻境心常定  
便到歧途鍼不迷黃土紛紛爭角逐紅燈閃閃走輪蹄  
倦游歸向蒼山頂笑看雲橫萬樹梨

送杜鵑老人南歸即用原韻

繫舟誰許往來便  
杯渡中流祇自憐  
鏡水偏縈千里夢  
木蘭已續再來緣  
兩番留別真無奈  
太上忘情却未然  
從此詩篇誰印可  
心旌常共夜燈懸  
瑟居丈室向誰呼  
散似晨星幾點孤  
我恐波瀾無砥柱  
師真風雅有機樞  
打包去作繙經客  
分衛難隨孽盃徒  
持帚何時叅妙偈  
長繩無計繫金烏

題李環岡雙清書屋

喜分太液一泓清  
棋閣經窓乍落成  
看去半村還半郭  
坐來宜雨六宜晴  
水紋倒漾湘簾動  
卷影旋移莎徑橫  
恠底紅塵飛不到  
可知學士已登瀛

蔗塘未定稿

四

杜鵑老人榜予所居曰花影庵自賦四首

白雲影裏結茆庵  
燈火蒲團坐卧甘  
羞喜車塵紛不擾  
好翻貝葉靜相探  
烏啼花落閒中會  
竹色巒光象外叅  
何幸石頭蒙說法  
生公飛錫自天南

老人退居會稽高雲精舍地名天南第一峰

詩中有畫畫中詩  
儒雅風流六我師

老人善于詩画

况與煙霞成

宿契獨超塵網得  
先知頻過西廟情  
何厚為告南天法  
不私慚愧一龕潦  
草甚經題花影便  
生姿

好知刁境莫拘牽  
信手拈來便躍然  
非即非離才不碍  
無人無我意何圓  
鏡臺似有根芽在  
月窟曾疑形迹連  
笑看花殘和影滅  
從來色相落誰邊

鍵戶宜披消瘦衣而今何事羨輕肥逢人都逐三輪轉  
任虫誰知一粟微隨分階除堪徙倚不多軒檻也芬菲  
月來雲破從頭想意蕊開時早息機

和杜鵑老人五過西廟原韻廣為八首

木石心腸本冥情竿頭一轉悟三生羸提未省抽身苦  
精進還期洗眼清好共叅寥窅井住難隨廬阜打包行  
暗香遶屋梅花發應笑東風負宿盟

答苗別

文字為禪見逸情定應鐵限証前生種蕉作紙窓添綠  
瘞宦書銘格競清藏處定知傳衛索揮來時漫雜真行  
刺藤一番勞相寄好續生公石上盟

謝惠字帖

蔗塘未定稿

五

筠根遠遺倍多情鎮日摩挲覺道生曲項豈能循丑俗  
虛心只合伴孤清指揮每愛天花落藏弃常隨梵夾行  
莫話唾壺敲缺事直須瓶鉢結前盟

謝惠竹如意

丹青餘事六留情日觀休誇擅寫生數葉蕭蕭含節勁  
十囊冉冉兒神清開奩似向芝田見張壁如來篋谷行  
珍重林公相勗意從茲敢負歲寒盟

謝惠水仙及墨竹畫冊

年來人事搃違情頃拜佳名錫更生熱惱漸除八垢埽  
淨名常倚六根清窮途幸免涔魚渴陳跡終慙磨蝶行  
大地輪迴真指顧願依覆樹託初盟

老人為予易名誕彌蓮坡解其四縛示以六通

因合下首識之以表飯向

久羈荆棘獨含情  
號我蓮坡示幻生  
不羨銅池分艷遠  
誰移玉井結根清  
西林擬約淵明入  
東道如從僂耳行  
一任污泥都不染  
席溪重過尚能盟

廿載儒冠誤俗情  
忽携圓頂遂平生  
祇慙靈運希心遠  
未比阿難現相清  
持較鹿皮無障礙  
勝他蟬翅好遊行

何時得遂堂頭會  
禮足應憐是舊盟

謝惠  
妙笠

妙諦頻邀悽悽情  
偏從獄扃授郵生  
也知羸馬筋骸憊  
獨賞焦桐音韻清  
兩館且留三日住  
春江難趁一帆行  
講堂歸語諸龍象  
新污蓮坡已入盟

別贈

和杜鴈老人六過西廟畝別韻

蔗塘未定稿

六

五蘊由來豈是真  
眼前弱草積輕塵  
無因自覺無私果  
有累都緣有以身  
冰雪正侵長短驛  
輪蹄斷送古今人  
何如歸臥香茆屋  
消受梅卷千樹春

書懷

我如食蓼蟲世味苦已領  
斃殘架上書憂來借一逞  
繭足身反閒息心境轉靜  
邊幅無暇脩衣冠常不整  
榆堡在北莊種秫滿一頃  
釀酒足醉歌可以酬風景  
鏡花亦有形水月亦有影  
幾見長眠人再起枯骨冷  
良友及至戚來遊真大幸  
不厭帶髮僧小庵時相省  
亓事如蝟毛人情若深井  
不如詩酒娛一切俱堪屏

除夕前三日杜鶴老人偕談半村沈東隅劉雪  
珂李環岡來念山鮑集軒諸君過花影庵舍弟  
履方亦至對雪小酌各賦二首

不避凝寒雪來迎解凍風性情交既合杖履興還同兼  
味慚難致村醪幸未空留連當歲暮何計得餘功  
心期忘遠近不速喜能偕弟咲顛如朱師憐愚比紫志  
同深肺腑貶泯外形骸况復投新句清如月映懷

和杜鶴老人留別韵

日月依然見斬新羈懷重感一年春此心住去仍忘世  
過眼新人非故人細雨暗沾墻下草輕雷難醒夢中身  
枯筇湯策千峰去香爇匡床孰與親

蔗塘未定稿

七

人曰花影庵小集分賦

草堂集名彥飲酒還調琴一彈寫懷抱兩彈激清吟天  
風扇激和脩然動衣襟遙知孤嶼側瓊葩耀芳林頻年  
負佳賞未得同登臨我苦塵網縛壯志旋消沉勞師捉  
麈尾杜鶴老人談咲灑松音遂令煩惱地忽發妙明心羣公  
富文藻臭味超凡今靈辰悵良覲新筍且同斟莫愁街  
鼓促歸騎走駸駸

和杜鶴老人寒食後重過花影庵韵

飄然柳粟橫肩去夢入邪溪舊來處一笠應歸燕市塵

孤蓬好聽江南雨，怡悵龐眉問信稀。  
樵風涇口霍重歸，幾時也泛山陰櫂。  
乞取天花糝衲衣。

燈花

蠅鼻垂垂結寒缸，吐麝煤根雖依小草燼。  
不流蒼苔縱少栽培力，還憐頃刻開更闌。  
私自祝黃耳儻能來。

雨中懷杜鵑老人

一別逾三日，驅車猶未還。  
却愁中道雨，定在四圍山。  
樓閣驚天近，鶯花咲鬢斑。  
無由隨杖履，坐想白雲閒。

和東隅移寓二首

移居喜入綠雲天，滿院婆婆娑隣樹。  
偏只放鶯聲來枕上。

蔗塘未定稿

八

不教日影到窻前，白駒雖悵道遙隔。  
青鳥休辭緘札連，別幾何時時物改。  
庭花昨夜落金錢。

何用園林始結廬，一邱一壑興還餘。  
或云陋矣難棲息，君且悠然可燕居。  
牕下羲皇憑枕簟，圖中沮溺荷犁鋤。  
只除問字人來往，隔絕紅塵靜校書。

晚晴

烟外虹初見，簷前雨乍收。  
亂蟬高樹響，歸鳥夕陽投。  
遂有涼風拂，寧將餘暑愁。  
徃來雲影薄，已露一天秋。

初秋

一昔商飈百感生，晚雲猶復弄陰晴。  
乍堪穩臥渾無暑。

忽不禁愁是有情徑草漸看多萎色庭柯已聽送秋聲  
未知白帝何心術刻意凋傷不變更

和索介山編脩秋日雜興四首

哀絲彷彿語喁喁風引清聲隔幾重莫管離人聽不得  
是誰妙指見何從暮橫一帶烟光瘦晴散千層雲葉鬆  
欲寄新詩無雁至匆匆悔向夜燈封

無去無從何所宜八逢秋至不勝思每先心醉翻嫌酒  
難寫情痴欲廢詩為溯從前俱是淚即看此日亦多危  
白鷗豈愛金籠好屢顧霜翎叫晚颺

閉戶休教嘆寂寥家曠懷自可寄雲霄烘簾日色猶高臥

蔗塘未定稿

九

拂袖霜華免早朝踈柳殘蟬聲嘒嘒空庭落葉響蕭蕭  
黃埃多少忙酬答靜裏吟詩萬慮消

業將患難付吾曹合受頻年畫地牢鵬翼垂天猶苦隘  
鷓枝近地亦為高已無得失中懷擾一任褒譏衆口嘲  
若問秋來生計事豈棚低坐日醜醜

再疊前韻四首

忙飛燕子語喁喁秋社將臨辭九重微物猶知歸有候  
羈人獨信去無從生憎孤憤終何益可柰雙眉不放鬆  
陰雨連綿誰見訪却憐三迤綠苔封

欲眠還起總非宜脉脉含情多所思易把衷腸全訴佛

難將恩怨盡題詩事如優鉢花無幾身比芭蕉樹本危  
惟有斜陽知我意獨留餘映送清颺

羅幌休教嘆沈寥孤情時復憶雲霄願從若士飈輪去  
閒看浮邱絳節朝銀浦清波猶浩渺素榆玉葉六飄蕭  
偷窺月殿無由問應是嫦娥悔未消

闕門未覓步兵曹難破愁城百雉牢堪嘆潛魚貪餌易  
每憐雲雁避羅高靜中只合常思誤閒裏何妨獨解嘲  
誰遣一壺時走送西風滿榻醉醪醕

羈懷無賴復成五章并邀介山同作

俠骨柔情夢後身尋思何事不沾巾東南大道無輕騎

蔗塘未定稿

十

西北高樓有美人磨蝎躔身難自脫楞伽堆案且為隣  
夜涼庭院多衰草數點螢光似碧燐

擬將瓊玖答深恩咫尺分明隔塞垣不泯丹衷憐劇孟  
盡消青鬢泣虞翻梧桐此日真孤立桃李非時更不言  
崔護從來多渴病謁將沒齒感重門

曾聞海外有瀛寰月姊星娥共一班人丑驚秋添白髮  
仙家駐景耐紅顏瓊樓玉殿常開宴雖鳳嬌龍任自頑  
我欲乘風呼舊侶白雲無奈鎖重關

斜日西馳淡澹明忽聞清嘯送風轂天邊漸積陰雲重  
庭際分飛落葉輕心與嚴霜寒可敵事同溢浪熨難平

夜來細數慳慳雨一半工夫已五更

行路悠悠任朔南誰憐越石解垂騫風吹瘦影惟成兩  
月到虛窓纔有三食因尋常人誚鄙茹荼漸次我知甘  
清宵製就相思曲緩緩歌聲訪薛譚

秋夕

浮雲斂長空月出人語靜中庭樹影疎積水橫藻荇力  
疾步堦除涼颼吹袂冷蓮漏下初更飛螢光耿耿虛寐  
不成寐感時發潑省

十四日晚遲杜鵑老人不至兼懷雪珂集軒

未滿水輪一綫光城南定有桂花香扶筇得得知何處

蔗塘未定稿

十一

佇立苔堦到夕陽

中秋花影庵對月次杜鵑老人韻

三五涼蟾亘胡床共倚看中天光自迴大地影逾寬虛  
室全生白愁人頓爾懽願將無盡照長此燭林端  
萬里俱澈徹纖毫不翳雲蟪蛄當戶落絡緯隔林聞涼  
覺今年早秋從此夜分宵深殊不寐逆鼻愛卷芬

九日杜鵑老人同介山半村集軒集花影庵小

飲用少陵九日韻二首

豈有相如作賦才昔年以日每登臺劇憐風景無邊好  
誤觸雲羅何自開天際屢看新雁至城南猶喜故人來

菊花須趁今朝放莫待樽前擊鼓催

望極湖光雁字寬  
茆齋客至有餘懽  
交淡似可忘投轄  
禮減何妨嬾著冠  
秋草周堂延舊綠  
霜花滿壑釀新寒  
西風好作題糕會  
酒甕床頭取次看

暮秋送集軒南歸

高爰織翳淨極目是深秋  
之子將歸越空江  
獨泛舟秣田堪樂志  
萱草足忘憂  
坐待鳴龍劍  
還將知己酬

和集軒將歸故山留別韻

玉笛飛聲愁有餘  
听梅溪柳憶平居  
舌存不必多憎命  
裘敝何須更上書  
楓赤寒經霜  
墜後菊黃晴  
趁雁來初

蔗塘未定稿

十一

闕河秋色皆如畫  
東渡錢塘見舊廬

寒菊

冰霜萋萋芳東籬  
迺如埽誰知貯室中  
不隨紫艷槁碧葉  
仍如新幽香猶滿抱  
豈伊稟仙姿含精而懷寶  
孤高非傲俗  
淡泊善自保  
撫此黃金英  
相期共難老

賦得歸夢初驚似到家

旅館清宵憶故居  
悠然化蝶樂蘧蘧  
重攀門外新栽柳  
更續溪邊舊釣魚  
教浣塵衫憐以日  
促裝行李悔當初  
如何喔喔隣雞動  
羸得羈人徃返虛

歲暮寫懷和王柳東作

忽忽相逢歲暮天凍雲積雪尚依然眼看顧免唯殘臘  
身比吳蠶已再眠去冬過秋未去慧業難除由夙習良月宵願荷  
前綠香燈常伴瞿曇坐未悟真詮愧幾年

種得芭蕉愛學書數年未就費躊躇籤排十指才原拙  
玉鎖雙鈎法轉踈筆塚空埋東郭貌硯池難躍北溟魚  
家園只傍青門住願事瓜田併力鋤

何時許我寄山莊枕石臨流搆小堂快學孫登常嘯傲  
愁隨阮籍恣猖狂塵中駕驥常同駕雨後蕭蘭六共芳  
但得是非常不到一壺日月看人忙

蔗塘未定稿

十三

天遠難呼就佛呼夜深長對佛燈孤若求出世何其妄  
藉此觀心得自娛夢冷青雲拋不律身依白足念南無  
人間寵辱皆磨煉信有松筠比丈夫

附原倡一首

王霖柳東

紅薑老人多道氣招我西曹數往還佳境漸回甘蔗  
味謂心穀殘年猶款白雲闕謂半村床頭金盡心仍壯卷

尾吟多髻欲斑花影庵中鐫脚坐與君一雪涕潺湲

同作

談汝龍

息影雲窩別有天風襲雪虐也翛然小詩偶作總游  
戲得酒即傾聊醉眠萬事已歸蝴蝶夢三生曾結杜  
鵑緣高雲石庭師自號杜鵑老人同龕更有蓮坡在埽地焚香過一

年

冬晚柳東過花影庵留飲

日落烟寒人跡斷  
茫然空谷足音來  
分明雪後山陰榷  
宵放王郎興盡回

除夕

荆棘叢中一朶蓮  
朝朝愁雨暮愁烟  
秋深露冷渾無恙  
屈指今宵盡八年

病起

漫訝逢迎禮未全  
人扶猶覺步難前  
病魔乍退仍憂至  
詩債頻多勒限還  
一榻茶烟畝客語  
半簾花影枕書眠

蔗塘未定稿

十四

春時隨處堪行樂  
那許閒愁更惹牽

答柳東問疾見寄

欲殺人何意無才君  
獨憐病來誰料及  
痛定轉淒然感  
激心徒切翻飛羽  
未全流光隨逝水  
辜負艷陽天

清明

積潤苔痕綠滿庭  
必間又度一清明  
擬將舊咏間中改  
無那新愁望裏生  
楊柳著烟眠未起  
海棠經雨夢初驚  
扁舟若許歸湖海  
欲向沙鷗共結盟

暮春

深巷烟蘿客到稀  
蕭然獨坐掩柴扉  
如絲雨過庭花潤

似剪風來梁燕飛滿案窺魚開舊帙一樽浮蟻送斜暉  
正愁辜負春如許底事鵲聲又促歸

蔗塘未定稿

十五

石鼓書良春以情狀中韻殊又如散  
心喜如朱與此無異若原無附錄則一

無



題

詩

無題詩序

猶子心穀從患難中發憤著書所為詩多與古人相韻  
頽其花影集經滄洲先生序而傳之暇搜篋衍又得無  
題詩如干首謁予為序予惟有梁鍾仲偉謂張司空文  
字務為妍冶疏亮之士恨其兒女情多僅置中品似矣  
竊謂司空千篇一體謝康樂嘗以為譏若以華艷為說  
不免過甚夫屈騷佩纓寔山榛隰苓開之古人興託有  
在固不必因夢中蘭若并疑及楚天雲雨也新城王西  
樵喜作艷體有誠之者西樵曰是特阻吾兩廡升牢耳  
鈍翁說鈴載之余謂西樵蓋謬作是語其寄託有無事

序

自明者心穀固學道人從坎壈中得禪悟者九年矣豈  
誠以痺音弗華乃以描脂繪粉自娛悅耶昔王右丞抗  
行周雅輞口元談克踐摩詰之跡而洛陽女兒閨人春  
思諸篇餘力猶及焉東坡與僧潛詩云多生綺語磨不  
盡尚有宛轉詩人情夫詩人之情六何限哉心穀出之  
宛轉蘊之遙深庶幾香草美人共成千古若叢臺崑體  
已成潭底蟾光矣心穀年甚富讀書日益多他日撰述  
當更有進於此者老人將重為序之康熙五十九年歲  
次庚子長至後二日初白庵主慎行

題辭

都識僧繇是畫師，哀蟬落葉鬢邊絲。高樓一夜夢難就。

玉笛飄飄織錦詞，黑海沉雲隔雁魚。偶依香草說三

閨，莫邪原是干將匹。早有祥光照斗墟，脩亭錢陳羣。

京城三月多名花，紛紛紅馱綠烘烘。朝霞紫絲步障遮，白日

黃金鑄屋藏嬌娃。想君生長安陌慣，見傾城傾國色。

日醉佳人錦瑟傍，不惜將身為花擲。胡為昨朝翻被憎，

結庵乃以花影名。得非紅薑故饒舌，阿師與老豈有情。

師聞我言一咲哂，我却因師發深省。須知有影原有花，

不如無花自無影。昨日讀君無題詩，前身是花更不疑。

題辭

新詩六復花影似，道是無題還有題。明日從師訪庵主，

試聽寒山下轉語。請君放下明鏡臺，請君叅取菩提樹。

弇山王霖

卅對鴛鴦白絕奇，有和玉谿生七律六十首九稱茂美美人香草有餘思。從今

棄木流傳遍不唱，王家疑兩詞。絕無人處絕無言，公

案頭叅不二門。咲煞批紅同抹白，紛紛枉自學西崑。

釧影釵聲跡已陳，半生蕉萃苦吟身。抽帆若過桃花隄，

金字碑邊話夙因。十里明湖碧玉流，笙歌叢裏鬥觥

籌。題詩觸忤當年夢，不信人愁我亦愁。槐塘汪沅

搗月揆香齋事空，曲屏虛幌夢重重。三生盟約都入落

花風 楚國樹蘭原易怨燕臺詩句獨能工琵琶絃索  
何日付玲瓏 調寄琴調相思引柘坡萬光泰  
繡佛同齋佳人共瑟逃禪避世閒為客莫嫌綺語墮塵  
根洞花幽草良緣結 月惱難禁酒消不得白頭豪氣  
還如昔喚他三十六鴛鴦杏花風裏聽吹籥 調寄踏  
莎行對鷗陳臬

題辭

蔗塘未定稿

宛平 查為仁 心穀

無題詩上

予踰伏花影庵中心灰形槁六時清課惟楞伽堆  
案而已此卷游戲為之頗蹈綺語之過然昔賢謂  
知梵志翻著袂法始可作無題詩知九方甄相馬  
法始可論無題詩率爾操觚未窺奧旨殊乖體裁  
若云殘登神女之聞香驗梵鉢提之知味則予所  
隔尚不止由旬也

秋水

蔗塘未定稿

秋水滿廻塘芙蓉白幽獨半欽夕陽時艷光奪人目清  
風飄然來波紋漾羅縠碧葉掩映間餘香流馥馥咫尺  
千里遙長遣眉峰蹙

策馬巫水陽連峰落倒影明月浸碧波要眇非人境遙  
見神女來風吹衣裾冷問我從何方翩翩獨馳騁折贈  
青蓮花佩之堪駐景感激盼睐恩寸心長耿耿

惻惻有所思萬里隔吳越豈曰無鴻鱗三年音信沒共  
飲江中水同看天邊月不堪明鏡中漸見生華髮

昨日已云逝今日不可留一日復一日百歲如浮漚懷  
璧擬贈君道里阻且悠不及黃姑星良會期新秋

幽燕八九月滿地飛清霜百卉俱摧敗誰念春時芳可  
憐一寸心同此腐草傷腐草猶不泯化為螢火光  
雕籠鎖雙禽雌雄長相守意氣雖不揚未至離其偶吾  
生獨何為壽無金石以年年賦索居秋風又衰柳  
夜半涼風生羅衾煖不足一聽明月光羈人常刺促何  
當玉簫聲總是相思曲

幽窓聊假寐飛夢天之涯美人如有約一徑臨其家促  
膝話別情喜極翻成嗟彈琴復飲酒荏苒惜年華隣鐘  
苦摧破愁對櫻桃花

三五採蓮女倚楫橫清江相將剖蓮子細數誰成雙行

蔗塘未定稿

二

吟忽相見愁緒正難降

有客話天台山水真悠然桃花亘雲際溪澗流濺濺仿  
彿煙霞裏鸞窠常盤旋玉洞杳難覓隱隱雞犬傳吾聞  
三歎息何日離塵綠伊人別來久無乃徃成仙

有憶

曉風裊裊湘簾動幾樹桃花迷玉洞竹籠木馬杳難期  
芳心闌作天涯夢畫閣珠樓千萬家家紅紫爛雲霞  
不知何處調琴手遠送清音出絳紗萬重烟水萬重山  
款乃聲中去不還依稀一帶江皋竹誰灑相思血淚斑  
廻塘百畝環畫閣挾雨驚雷特地作暑氣全消復冷然

恍疑身向蓬壺落此時池館悄無人檢點蠻箋迹未湮  
畢竟姻緣休作假浮生何事本來真箇苦新開立曉烟  
霎時風折墜清川最憐荷葉田田好也被吹殘不得圓  
呼童斫去芭蕉樹啼風嘯雨愁無數不似當初共聽時  
幽窓清韻添佳句碧天如洗銀河長踈星滴滴搖光芒  
牽牛織女自歡會那知孤館羅衾涼昨夜金飈聲獵獵  
清江一望蒹葭接擁鼻行吟詩乍成庭前正見飄紅葉  
瑣牕未曉清光徹起視園林沒凹凸邃房燠館豈知寒  
孤鸞隻鳳啼猩血憶昔雙棲在畫樓湯湯飛絮唱還酬  
金盃肖揜狡狴進玉手親為製綵球縹緲巫雲去不廻

蔗塘未定稿

三

霞衾愁寐楚王臺梅花纔放蘭新茁彷彿風神憶我來

江流

江流浩浩無時窮巫山高插青雲中荒烟蔓草襄王宮  
可憐神女如飄風如飄風今何在去莫留來莫再人間  
別易良會難古今同畫誰寬貸

碧梧幾樹當高樓樓前簾控珊瑚鈎簾中常有人梳頭  
梳頭人去經三秋魚沉雁杳音難求音難求梧桐葉衰  
老入夜風颭颭簾衣半零落塵土封盤虬夜深不忍上  
樓去一樓明月寒光流黃塵清水非悠悠此生誰免蓬  
蒿邱解道吹簫乘鳳好長教攜手棲瀛洲

高城二首

高城寒雨夜處處集鸞鳥望惜桐花老寧知鳳影孤和  
鳴無與應文采共誰娛極目知音杳猶勞夢裏呼

尚憶池亭側同消夏日長藕絲拴蛺蝶蓮子打鴛鴦風  
景何遷次音書漸渺茫不成奔月去應許覲清光

和半村韻十二首

最是銷魂處庭梅索咲時雪痕肥嫩蕊月影綴高枝小  
閣微醺酒雕闌共賦詩疎香無限好消受總仙姿

最是銷魂處初聞賣杏花小樓回鏡夢細雨濕牕紗燕  
子重尋壘鸚哥正喚茶臨粧惜春色小插一枝斜

蔗塘未定稿

四

最是銷魂處風枝亞露桃玉人相映立蜂蝶不飛高遲  
日歌新曲春風試彩毫蓬山非海外無自入塵囂

最是銷魂處園亭開牡丹晴霞千朵集彩鳳萬枝攢浥  
露疑沉醉迎風似怯寒隔花聞咲語姊妹凭闌干

最是銷魂處安榴照眼明衫裁蟬翼薄裙著藕絲輕靚  
貌真成玉吹簫更愛瓊晚來臨月下如聽步虛聲

最是銷魂處芙蓉滿沼妍綠雲低映水香霧暗薰天避  
日來亭下迎風向柳邊摘將荷葉小盛取露珠圓

最是銷魂處秋庭綻海棠幽姿愁日映嫩葉怯風狂脉  
脉宜相對亭亭想正當偶然階下立邢尹却成行

最是銷魂處香飄桂滿樓冰輪常皎皎隣籬自悠悠未  
覺羅衣薄還耽團扇幽酒闌微有問莫負以中秋  
最是銷魂處霜腴菊正開繽紛紛陳數種幽艷絕纖埃林  
下風常在籬邊句好裁捲簾人比瘦吟罷憶仙才  
最是銷魂處風光值小春應時羣鳥喚借景百花新繡  
閣蜂還入粧樓蝶更親夜來和氣集庭際看冰輪  
最是銷魂處盆花見水仙洛妃遊夜月素女感朝烟態  
自芝田見名從蓬島傳粧成相對坐未許定誰妍  
最是銷魂處天寒春未賒雪莖憐蕙草紅蕊識山茶儘  
有園林趣何須富貴家四時花盡好只是遜如花

蔗塘未定稿

五

和寶厓韻二首

嬌鶯啼斷畫樓東獨倚危欄對晚風未了姻緣歸夢裡  
無邊光景譜愁中傷心芳草連天碧極目明霞映水紅  
天水迢迢人更杳癡情猶擬擬鳳簫通  
閒來每憶乍相逢宛轉湖山臺榭重仿得新粧裾繞鳳  
梳成時樣髻盤龍樓頭玩月誰家笛花下闌題何處鐘  
到底仙源留不住劉郎惆悵去無從

和綏山主人原韻

庭花零落付蒿萊獨立階除印綠苔榆莢已隨人散去  
柳綿還共燕飛來分釵再合憑鸞信破鏡重圓候蚌胎

不似銀河縹緲隔劉郎曾記到天台

來似飄烟去杳然金鈿留在小於錢迷離巫峽三更夢  
恍惚高唐一夜眠塞雁斷書無計問林鶻啼月有誰憐  
赤繩千里如還繫何日燈前話舊緣

干霄松柏植何時誰遣菁蔥附兔絲正擬比肩長作合  
翻成背面各相思營巢燕集華堂棟出谷鶯遷上苑枝  
惟有蘭香留不得寤寐庭院更誰知

禁愁無計祇堪嗟節序頻移感物華長鎖眉痕同柳葉  
酷憐人面傷桃花題詩曾過貞孃墓繫馬還尋蘓小家  
爭似翩然成彩蝶遙隨春色訪天涯

蔗塘未定稿

六

女媧再在豈無緣鍊石難脩離恨天帝子湯勞臨洛水  
宓妃虛擬坐芝田傷隨春至花偏艷悲共秋來月更圓  
浪說長房能縮地凡材無路覓神仙

春陰漠漠杳難尋金屋藏來何處深竹上更無新咏句  
花間猶拾舊遺簪非關韞玉連城價獨感翹材一寸心  
自遇鍾期塵俗外不辭流水奏瑤琴

連宵獨立想佳期但見流螢高渡低難洗愁根虛縱酒  
懶抽心緒尚題詩楊枝何怨辭居易桃葉多情待獻之  
緣淺緣深誰預識須從月下問紅絲

近今消瘦比湘雲卧病東陽嘆離羣曾許瑤簫同引鳳

竟無錦字寄迴文巧憐鶯轉思歌韻艷對榴開憶舞裙  
甘向成都來賣酒當壚可否倩文君

從別嬋娟何處看憑誰枕我到邯鄲香消不信重衾暖  
酒醒難禁孤館寒剝到蕉心終展轉嘗來梅子只辛酸  
痴情淪卜他生約已負樽前似月圓

未拜星槁勅合恩盈盈空自憶天孫鴛鴦枕上猶凝淚  
楊柳風前欲斷魂紫玉定知韓重在綠珠寧負李倫存  
他年重各追離恨親驗眉峰感損痕

代作

闔閭城北席邱東水碧山青花木叢漁父休疑武陵渡

蔗塘未定稿

七

仙人長在蓋珠宮玉簫有恨吹明月斑管含情吟好風  
阿母幾多珍重意只愁飛入彩雲中

曾携仙棹過吳淞路入烟霞知幾重自有腰肢欺弱柳  
好將眉黛鬪晴峰一時驚降蘭香駕千載重來西子蹤  
玉色珠光真絕代馬御僥倖在臨邛

烘簾晴色閣銀缸聞說梳頭傍瑣窻芍藥籠烟原一朵  
芙蓉對鏡恰成雙閑翻綠帖尋花譜親摩絨絲繡佛幢  
半晌停針無一語芳心底事有難降

幸托劉盧親一絲稱觴同集習家池畫樓虛敞延佳客  
繡幙微開見淑姿襟抱春蘭消雪後丰神秋水淨烟時

胡天胡帝心如醉賦就高唐那得知

挂席

挂席春江去茫茫天一涯春風雖有信不敢問梨花

迴廊四首

乍出迴廊外還經密樹中身輕如蝶蝶飄漾入花叢  
茉莉嬌如雪幽蘭香可誇晚粧宜草草猶戴一頭花  
小病連朝卧新晴強起床窺簾微掠鬢韻在不成粧  
艷曲成還秘新詞填懶謔不將人一看私自教鸚哥

對鏡

對鏡粧成只自看果然嬌絕可忘餐盈盈一尺蘇州髻

蕉塘未定稿

八

簪得全枝玉紉蘭

趁取新涼早卸頭側眠冰簟曲如鈎花香却把肌香掩  
斗帳重懸茉莉球

記得五首并序

風雨篝燈清宵漏永有客追述往事感慨歎吁

屬賦五詩以攄其恨

記得仙橋第一家雕闌深鎖牡丹芽春風信是多情思  
曾引游蜂到碧紗

記得雙扉花底開暫因青鳥許徘徊鶯鷺月殿無人管  
却放嫦娥下界來

記得相逢淺淡粧艷光的的奪珠光當時底事頻回顧  
後以風花總斷腸

記得長空下塞鴻赤繩微示一緘中可憐費盡裴航力  
望斷藍橋終未通

記得歡娛記得愁恍然一夢願難酬白沙翠竹今猶在  
留與三生話舊遊

和友人韻

孃孃居仙館盈盈倚畫樓未呈心鏡月頻度眼波秋咳  
唾疑遙和寒暄詎顯酬對人佯掩面離步更回頭閒處  
曾微咲叢中似隱憂不教窺是否早已露因由欲近偏

蔗塘未定稿

九

先遠將辭却故留痴魂真欲斷幻病總難瘳可怪無虛  
實猶憐有逗迺菱花何處採脉脉不勝愁

蔗塘未定稿

宛平 查為仁 心穀

無題詩下

和王溪生原韻

恨不將身學御風  
海天無際任西東  
幾年離緒終須慰  
萬仞愁城頃刻通  
鍊骨未能成髓綠  
燒丹空想駐顏紅  
因循絕似逃名客  
滿髻飄蕭自詠蓬  
待假精藍暫息蹤  
開翻貝葉趁魚鐘  
愛河應藉恒河瀉  
梵語難支綺語濃  
聽鳥生憎秦吉了  
看花偏遇木芙蓉  
悄然情緒歸何處  
水遠山遙去幾重

蔗塘未定稿

一

尋思往昔定情來  
彤管蜚聲起蟄雷  
謝女吟詩聞欲避  
班姬作賦見應迴  
丹黃錄士虛循曲  
紅粉衡文實愛才  
雖向樓前看落紙  
此心仍作浚然灰

霍警清宵閉目難  
枌初圓處每驚殘  
呶呀天半征鴻恻  
撲簌庭前落葉乾  
曾是好風明月夜  
只教孤枕薄衾寒  
屏山誰寫秋江別  
一種離情掩面看

異香數贈錦囊重  
密緝偏憐背地縫  
往日歡娛愁易老  
於今隔絕悵難通  
非無舞女如原碧  
亦有歌兒賽小紅  
爭似石家金谷豔  
傾城一笑倚春風  
猶記年時開袂堂  
騰騰夢覺不知長  
巫雲深處留神女

仙路重来誤阮郎物外姻緣皆幻迹人中蘭蕙有奇香  
此身終合為情死省取瑯琊語未狂

再和

寂寂閒庭淡淡風暖絲無力任西東舟經蓬島吹難近  
鶴在遠天信莫通柳色帶烟凝舊綠桃花經雨綴新紅  
雙雙蛺蝶渾相逐觸撥心情類轉蓬

蕭寺初逢仙子蹤至今愁聽五更鐘傷多莫恠風情減  
吟苦翻嫌詩思濃夜雨闌心含荳蔻秋江觸目醉芙蓉  
書成花葉憑誰寄惆悵雲山隔幾重

輕寒惻惻燕飛來驚筍時聞送凍雷花氣暗薰天欲曉

蕉塘未定稿

二

鶯聲重喚夢初迴寂憐月外聞琴語每到風前憶笛才  
從古知音難再得春心爭忍便成灰

滿目詩情覓句難曉雲欲散月初殘亂揉柳線風猶劣  
暗沁梨花露未乾無計共消春酒煖經旬獨覺夜燈寒  
休文更道腰圍減只恐重逢不忍看

園林繡出錦重重應費天孫八繭縫可惜韶光三月暮  
更無青鳥一緘通畫眉奩在螺猶碧記曲樓空豆自紅  
底事相思不相見彩雲吹盡逐飄風

青春無賴去堂堂空薰爐烟一縷長綠葉成陰悲杜牧  
元霜搗盡羨裴郎忘憂萱草難舒綠解語桃花漸減香

搔首風前無限意幾回歌哭豈知狂

三和

心如柳絮逐天風飄蕩廊西與閣東簾底並棲情轉劇  
帳前雙咲事難通雲埋月影終須白淚染榴花到底紅  
祇恐伊人知我意髣髴先歎九秋蓬

縹緲仙源訪玉蹤無端吹送隔溪鐘坐餘蠟蓋迎風炮  
夢濕桃花帶雨濃交頸窓前金睡鴨並頭屏上玉芙蓉  
不知今夜多情月去上樓臺第幾重

已過瓜期尚未空聞油壁響輕雷半生虛境何多可  
一日牽腸費幾迴易繪仙姿難繪意縱如風貌孰如才

蕉塘未定稿

三

堅心自問逾金石宵信將來付劫灰

鏡裏花枝欲折難離情無賴只摧殘高梧暑去蟬啞斷  
小閣秋來螢火乾形影怕聞孤鴈唳風波愁對一江寒  
年年短盡英雄氣羞向燈前拔劍看

帶雨含烟柳線重不將池面縠紋縫濃愁只合千絲結  
芳訊難憑一札通點屐踏來花影碎凝眸立盡夕陽紅  
誰家六有飄零恨吹徹闌山笛裏風

瓊窓珠戶鬱金堂宛轉流蘓匝地長未必歸寧訕謝女  
曾無夢魘喚江郎荆山終古逢良璧海國千年得異香  
從此蹉跎非細事窮途莫怨阮生狂

四和

作團蛺蝶舞春風粉翅曾看曝檻東豈有滕王圖畫好  
偶然莊叟夢魂通驚開岫柳籠烟碧穿過林花含露紅  
惆悵江潭憔悴客朝朝覽鏡歎飛蓬

猶憶黃昏驀地蹤相携話到內明鐘乍看竹徑蟾光映  
轉訝花梢露氣濃啟匣有情留翡翠褰帷何計慰芙蓉  
香車一別無消息腸斷湖山千樹重

恍似漁陽鼙鼓來春陰忽動一聲雷雨中並坐鶯愁濕  
風裏文飛燕急迴微物有情皆戀偶美人多怨却憐才  
湘南海曲皆堪竄只有丹心總未灰

蔗塘未定稿

四

相見知如蜀道難一更更數到更殘梧桐院冷風殺瘦  
菡萏池枯月影乾千里豈諳相憶苦幾年難遣半衾寒  
多情莫作休文比瘦損應同野雀看

裁成錦字裏重重更入奚囊蓄意縫樹上青鸞無路覓  
門前黃耳幾時通為言雲鬢難長綠已負桃花經歲紅  
不是伊人真解事宵將憔悴倚春風

才子應推玉茗堂風流樂府引情長玉魚携出人間世  
鈿盒酬來夢裏郎遺畫真成無價寶柔腸即是返魂香  
幾番讀罷添惆悵題上蠻牋笑老狂

五和

休恠鶯殺怨曉風好花吹盡玉欄東須知命薄田難住  
可信天高叫莫通明鏡漸移雙鬢綠愁顏能駐幾時紅  
年來消盡窺園想仲蔚從教滿徑蓬

夢散如雲莫可蹤黃昏凝想到晨鐘半規月印眉痕曲  
一縷霞分衫色濃曉帳春煙籠芍藥奩燈晴旭照芙蓉  
回頭錯喚分明在知隔屏幃十二重

謠詠何由特地來空腸終日走車雷咲啼不敢心原苦  
嗔愛無端意忽迴邢尹別時虛國色班揚老去少竒才  
兩心願得如烟篆同守金爐萬轉灰

萬斛離愁欲話難擬箋青帝又春殘苦思似繭繅難盡

蕉塘未定稿

五

清泪如鉛搵未乾燕子辭巢尋社約麥花秀隴釀秋寒  
喧傳滿市多竒卉祇覺江梅獨耐看

縷金箱疊繡衣重記得春蔥淡夜縫繪事欲窮人事巧  
女工疑与化工通烏綠比翼頭難白花為同心色耐紅  
罷舞停歌經數載不堪重檢對東風

鳳笙竊笛寐華堂夢裏頻提信誓長定有離魂來倩女  
斷無歧路視蕭郎同功織就方為繭百和燒成始信香  
自愧情痴猶未極敢將哀怨托清狂

六和

大雅居然林下風聯吟常伴藥欄東別來祇有三秋感

憶往從無尺素通塵外仙姿珠是綠閨中俠骨拂成紅  
長卿一自遊梁後踪跡誰知似轉蓬

非霧非煙夜半蹤徘徊曾不到鳴鐘頻來尚恠情難洽  
絮語猶嫌話未濃隼釧金寒籠玉腕淡羅衫薄襯秋蓉  
長生昔日盟何在回首翻成離恨重

獨卧空亭夢醒來滿池吹蛤響如雷桐陰布後花應盡  
乳燕飛時人未迴每憶明妃埋絕域誰憐張儉枉多才  
黑雲不壓愁城墮一片雄心半已灰

前程如漆去留難心事何由問懶殘鸞鳳調笙聊自慰  
鷓鴣典酒待誰乾柳絮別恨沿池裊水帶離聲入檻寒

蕙塘未定稿

六

數盡歸鴻無遠信晴嵐如黛倚樓看

親寫庫年封幾重至今猶在臂間縫祇知玉宇高難接  
誰說仙槎竟可通月下不逢繩繫赤溝邊空望葉流紅  
閑來憶得如仙貌最愛亭亭立晚風

契濶何由聚一堂游絲飛絮裊愁長已無畫舫攜西子  
空有斑駁悵陸郎步屐寂憐金縷冷簪花偏愛寶釵香  
近今學得莊周術化作春駒栩栩狂

七和

道蘊如逢拜下風無矍才貌擅江東明珠論斛難為聘  
孤鳳會情許暗通袖上唾卷成紺碧襟前灑泪驗綃紅

蒲塘心暖鴛鴦睡一夕狂飈跡似蓬

渙火江楓寄客踪寒山寺裏夜來鐘驚回好夢如雲散  
觸起閒愁似酒濃展向風簾留玉樹拂開寒鑑浸霜蓉  
何能化作遼東宦去訪瑤臺最上重

十里香塵撲面來雕輪碾處似晴雷還宜小小湖頭住  
猶羨真真畫裏迴流水行雲誰解解意楊花榆莢本無才  
人間信有黃金貴百鍊後教不肖灰

苦憶其如休意難伯勞飛燕各摧殘須知客裏青衫濕  
未必伊行彩袖乾草色有情憐日暮花枝無賴怯霜寒  
近來憔悴休臨鏡莫說他人已怕看

蔗塘未定稿

七

似霧如烟障幾重孤懷只合酒彌縫樓從蜃見原難上  
橋自虹成未可通仙嶠雨晴鸚鵡綠佛桑花落杜鵑紅  
知君撫景應多感禁得愁吟對曉風

高捲湘簾月滿堂鰓羈緒恨更長言愁自信如平子  
多病人稱似沈郎桃李成蹊終俗艷松筠無語自幽香  
苦心未化萇弘血聊托微詞寫我狂

八和

占得施家西院風效顰人只在村東三生石上盟猶在  
十里湖邊語莫通從別難描眉黛綠相思空對臉霞紅  
近今飄泊君休問江上浮萍天際蓬

曾省風姨夜半蹤送來一百八聲鐘心如酒旆懸難定  
眼似鰓魚睡未濃機上杳無紅錦字扇頭剩有墨芙蓉  
幾年岑寂誰能遣怕看橫陳繡被重

網繆未雨為誰來譏刺紛如平地雷放棹已隨烟水逝  
揮戈猶想日輪迴洛川不遇傾城色鄴下寧傳曠代才  
昨夜焚香消歇盡撥爐幸有未寒灰

叢棘群鴉慙足難此生猶幸未摧殘歸慙蕪季裘空敝  
書上郵陽淚未乾薄暮登樓頻極目入秋異地只心寒  
從來抱柱非癡絕為報當時國士看

低亞庭前花影重天然繡被溷勞縫幽情獨鎖園林寂  
八

蔗塘未定稿

美景惟教鶯燕通千樹雲張晴慢綠一池月吐夜燈紅  
不知誰唱相思曲最是掠人昨夜風  
忽傳消息返華堂檢點琴樽軟語長詞客莫教思帝子  
歌兒須唱賀新郎歷殘荆棘頻年困纔放芝蘭一日香  
為囑勞人休悵望阿蒙原有舊時狂

九和

萬事俱成馬耳風王昌猶滯在墻東空憐弱水人難渡  
浪說明河查可通髣不經霜凋舊綠淚非闌染墮新紅  
年來六翮傷殘甚不及飛揚空際蓬

枕上依稀接舊蹤梳頭時候尚聞鐘綺窓影散雲光薄

玉砌香飄露氣濃  
紀夢詩成招雁字  
羞花人去見芙蓉  
清秋風月橫塘路  
翻悔當時恩愛重

花從連夜盡  
開來廿四番  
風似迅雷青帝欲歸留不住  
玉人相隔悵難迴  
心窮要眇多奇境  
詩極淒涼見別才  
莫恠滄桑易遷變  
人間轉盼劫餘灰

未別何如欲見難  
相思積寸暗摧殘  
夢尋秦女簫聲咽  
書寄雲英花葉乾  
拈管愁吟香自盡  
停杯追憶酒重寒  
袖中不減三年字  
偷向燈前子細看

珠簾繡幙望重重  
愁似寒衣密密縫  
瘦盡詩情如賈島  
別來賦體擬文通  
魂銷舞榭蟾光皎  
腸斷粧臺燭影紅

蕉塘未定稿

九

松柏西陵猶侶昔  
同心人自結春風

自許身登大雅堂  
悠悠詎宥繫情長  
夢從為雨來巫峽  
心許隨風到夜郎  
帝里爭看桃李艷  
湘皋獨采杜蘅香  
幾年潦倒誰相惜  
鸚鵡吟成賦合狂

十和

聽徹簫聲立晚風  
美人遙隔楚雲東  
未知離別何人始  
只怪僂佺無路通  
芳草有情依舊綠  
夭桃不語為誰紅  
沅湘遍訪虛蘭茝  
但見萋迷蒿與蓬

靜倚熏籠自檢蹤  
六時細數自鳴鐘  
性情偏在蕭疎合  
形迹寧拘來往濃  
上已爭傳貽芍藥  
涉江何忍采芙蓉

近今稍得真消息不隔蓬山一萬重

未雨先知欲雨來南山之下殷其雷誰憐舞燕巢難定  
獨羨飛花去復迴八米傳來虛有譽三班黜去咲無才  
紅閨真有驪黃鑑自問情淚爭忍灰

待訪仙都豈畏難驚鴻鏃羽實傷殘巨鼈纔許排山去  
精衛空思填海乾幾度夢回銀漏杳何人吹徹玉笙寒  
壁間一幅滄洲景欲覓壺公縮地看

名園誰列錦幃重雨線風絲天女縫南國繁華愁易盡  
東樓宴會悵難通有人能使烏頭白無計堪消鵲血紅  
贏得春來詩數首疊成方勝盼翔風

蔗塘未定稿

十

何日重開白玉堂海枯應不抵愁腸多情險化山前石  
守信絕知槁下郎嘗蔗到頭方有味種梅經雪始聞香  
長歌當哭悲於哭儻父何妨謂我狂

晁  
夢  
集



是夢集序

予友查君蓮坡不得閒見二十年矣今者朔風悽緊葉落長安曉日蒼涼冰連沾水念前期之契濶動若參商辱隔歲之招邀不忘東笠爰書驢券為叩莎堂接牀子于座隅拜龐公于牀下聚星不易偏慳半面之綠別雨何堪幸報詰朝而返驚看老大容貌都非細數交遊風流略盡于是然通宵之檠燭繼一棹之觥船揮塵以談擁爐而語謂此生輒落且為勞者之歌終歲瑟居竊比溺人之咲吟到停雲落月都如天姥之游賦成春宦秋猿盡似臨臬之夜三爻自足臣不如人半路相尋君其

序

知我此是夢一集所由屬序于予者也嗟乎茫茫九寓同在大迷鼎々百年誰為先醒僕書十上而則足米五斗以折腰空想生花登華之問天之句何曾吐鳳縛船多罵鬼之文獨羨吾賢真能作達棲林泉而神憺不見不聞樂魚鳥之魂交無因無想何處是不平之局傳來皆絕妙之辭汁灑金壺雲舒卷書抽翠管金石鏗轟固知占噩懼於當年不煩太卜咏昇平於此日已抵華胥矣乾隆四年冬十月山陰同學弟王霖

蔗塘未定稿

宛平 查為仁 心穀

是夢集

起康熙庚子  
四月盡壬寅

庚子三月蒙 恩矜釋出獄旋歸舊廬凡耳目所  
接恍惚無據不翅魔者之初寤也憶香山有句云  
形骸與冠蓋假合相戲弄何異睡着人不知夢是  
夢洵如所言則安知予前日之是夢而今日之非  
夢耶抑今日之一吟一咏不猶是唵嚀中語耶用  
以名集且以知蘆廬之同夢耳

榆堡

蔗塘未定稿

十年別此徑重尋  
匹馬趨來感不禁  
愁外鶯花猶昨日  
卷中燈火負初心  
平原烟樹層層迥  
隔岬邨墟杳杳深  
望裏最憐雙燕子  
似曾相識掠清陰

初夏佟蔗村隱君招同高雲老人錢椽村孝廉  
集空谷園遇雨分賦

郊居塵壒少幽訪共沿回  
柳下孤篷泊花間白板開  
高  
人還偃卧稚子識曾來  
小立窺鷗驚忘機狎不猜  
林塘通窈窕勝槩此間殊  
頗愛連朝過何煩折簡呼  
含  
桃紅欲綻娟竹翠相扶  
隨意莓苔坐風前得自娛  
纔過灑火候又是熟梅天  
日月疾於鳥樽疊送似泉  
酣

嬉從畢卓談，咲得康駢萬。古成彈指還，叅五味禪。  
黯々輕雲合，滿々暮雨稠。看卷重改席，呼燭更登樓。欲  
起頻遭肘，微吟各掉頭。未能同卜夜，將別又遲留。

贈金白山司馬

分符重喜到津門，竹馬迎來咲語喧。詔簡經旬苔上閣，  
時和到處雨隨軒。書工八法傳鍾衛，詩敵長城壓李溫。  
為政風流真不忝，願從研北挹蘭蓀。

題馬遠梅花冊

南渡畫院誰稱雄，劉李以後繼扶風。筆力瘦減無俗容，  
一角慣染青芙蓉。梅花小幅何偏工，參差萬玉橫空濛。  
枝如磬折波影縱，花如點雪無雷同。高下相間深淺烘，  
根株蟠屈莓苔封。誰知半鱗咫尺中含意，一掃千林空  
恍如獨策孤山筇。暗香浮動烟月溶，是知粉繪奪天公。  
經營意匠煩磨礱，至今五百有春冬。墨香冉冉猶新融，  
從來妙畫能靈通。主人好為什襲重。

皋梁杖同高雲老人賦

九節農家製，呈材與眾殊。心虛雖遜竹，質脆不同蒲。曾  
佐厨中供，還勞岩畔扶。翻嫌金策重，登頓可忘劬。

附同作

釋元弘石庭

漫言材地弱，策足遠塵氛。消瘦全同我，清虛獨讓君。

病中堪作伴老去恐離羣尚可傳薪火乘風化白雲  
遣奴往榆垆蕙寄村老

小築真堪避俗埃埽除三徑莫遲回殷兄張丈如相問  
為報蓮坡負未來

草橋道中

帝京景物畧草橋在右安門南十里其土近泉宜花居人以種花為業去豐臺甚近

其中多亭館元蘆右丞之萬柳堂趙參謀之乾瓜亭皆在彌望間然已莫詳其處矣

草橋南去是吾家

時將之榆垆

十里青之官柳斜舊曲何人

歌駮雨荒亭無地問乾瓜聽來野樹多啼鳩望裏居民  
半藝花咲我淹留似胡賈每逢佳處即停車

龐秀才以黃菊見貽賦謝一絕

蔗塘未定稿

三

老帶莊巾貌少雙前身知是鹿門龐為憐小圃多岑寂  
割取秋光到蠓窻

寄內

秫熟好笊缸面酒日晴須曝架頭書煩君兩事先料理  
僕指回車在月初

送高雲老人南歸

驛路微霜逼小春一瓢一笠去來頻從他消瘦緇衣破  
無那蒼浪白髮新蓆杖篋中留好白木魚筵上感前塵  
幾時重踏長安陌拯取膠之擾之人

橡邨移居招飲賦贈

我昨重稅津門駕，稽呂交遊半凋謝。隣笛長聞隔巷吹，  
悲來淚落如泉瀉。故人尚幸得錢起，見我咨嗟還色喜。  
擲帽喧呼傾百杯，半酣高論窮經史。舊榻書堂擬讓西，  
扶疎花木亞檐低。誰教蕪壘年々換，兩版重開對菊畦。  
粟瓶茶竈携前後，門外垂々數行柳。驥子鴻妻樂有餘，  
留賓又剪春初韭。三酌酸文久絕倫，四夷妙賦迴無塵。  
掃除一室非君事，努力揮毫侍紫宸。

送魏文煥公歸錢塘

紛々九陌汗翻漿，赤日黃塵車馬忙。爭似西湖風月好，  
一錢不費足相羊。

錢塘未定稿

四

雪中六咏和蔗村韻

蕉

曉寒簾外影溟濛，葉々依然綠映空。疑似王郎新點筆，  
移將粉本上屏風。

菊

縱無秋蝶抱東籬，瓊屑吹來看亦宜。却咲峨眉蘇老子，  
開殘只說傲霜枝。

荅

如錢箇々上堦圓，一夕飛靈化玉鈿。最是迷離初點後，  
鹿胎錯認十分妍。

藤

長林天矯擎千尺絕壑縈紆結百蟠滕六與君原共姓  
不妨幻作玉龍看

柳

記向銷魂橋上遶長條不見影依依無端惹起紅閨怨  
也學春風作絮飛

竹

簟管谷口散零々日暮天寒憐此君莫咲毳來頭著地  
撥開依舊勢凌雲

村居風雪侵凌却軟不出篝燈夜課與弟履方

蔗塘未定稿

五

追述舊事因懷蒼影庵倡和諸公得斷句八首  
同煨榾柮坐黃昏一曲清琴酒一尊猶記去年風雪夜  
與君和淚話鄉園

何意開籠刷雀翎舊游翻恨似晨星欽歎歷落難忘處  
雜相齋中鬥醪醑朝勿齋先生

鯨吐鼉擲擅文雄尤愛詼諧善發蒙一自白雲庵外別  
當筵不樂失車公談半村

三車為我演無生衣鉢多慚付馬鳴踏雪飄然賦歸去  
杖藜知過闔廬城高雲老人

聞道家居倚柳橋閉門莫々又朝々年時爆竹喧除夕

北寺榭盤餞寂寥

王兩楓

晚香社裏半曹劉盡讓東陽第一流分我貝多千片葉

斬新日月豁雙眸

沈麟洲

投荒舉室嘆多艱生死訛傳疑信間贏得白頭工部在

一棹菟笳冷關山

桐城方氏羣從

吳侯言語妙天下

吳韻庵

力叟詩豪敵萬人

力敏夫

太息燈

前同落葉篋中猶見墨痕新

冬日李仁山胡依永杜禹門堯勳兄弟過澹宜

書屋小酌各有贈句賦此奉答

朔風號頑冬雲凝似顏嶺落日澹高春林踈瘦無影啟

蔗塘未定稿

六

戶聞足音懽然塵事屏握臂二三子詞鋒互馳騁杜陵

好兄弟風度何秀整李侯擅佳句快讀喉去鯁英爽有

胡威鎔金初出礦坐密圍柴爐談多汲脩綆棹燭搖皮

簾小屋比舴艋咲我躡翅人曾繳久知警天地一蘆廬

萬事付楠癭酒顛亦足豪曹騰不願醒

檄攬效香山體

南國有格覽織之判兩頭涉冬霜露飽封苞入皇州阿

誰殊嗜好當食棘在喉乍咀輒吐棄斥之不復留我聞

古諫士效忠同見尤君如樂柔脆大谷梨可求君如慕

飴甘鹿盧棗可收必欲獲良規苦口莫遽投

芸書閣悼亡

芸書閣上榻凝塵寐々寂々獨愴神啟篋羅衣香未散  
當窓錦字墨猶新燈昏一穗傷前事雨冷三更負夙因  
惟有鰥魚常不寐答君十載綠眉顰

暮春雨後集可亭

袂襖纒過上巳前翻階紅葯照衣鮮衝泥曲徑閒拖屐  
遲日空亭好擘牋芳草全侵調馬地微雲尚作養花天  
如何瞥眼春光去恠煞深林叫杜鵑

李古彞前輩新葺書舍有類舟舫徵客賦詩因

成長句寄之

蔗塘未定稿

七

翠幕紅舳入望賒文窓面々愛輕遮携來賓客同陶峴  
載得圖書勝米家帆飽縱輸千里疾柁傾且免衆人譁  
舟屋非水君休訝屋角松濤也作誇

夜讀

商飈埽炎蒸端居幸多暇秋鐙漸可親寒螿啼午夜萬  
感俄雲叱起伏難弭罇澄心覽聖訓用從歛而謝學術  
判邪正治道辨王霸素質藉染絲餘甘如噉蔗坐燼一  
爐烟銀潢天半瀉

予頃入都寓舍有樓數楹正面西山烟鬢霧髻  
一一交呈几案閒若忘身在九衢也因榜曰得

山為詩紀之

平生慕名山苦乏濟勝具西郊無百里欲徃期屢阻小樓架木末女墻低在屨鉤簾見秋山蒼然近可語朝看林曦開夕送岩鳥赴瘵我冷霞飢護我鞭鸞趣明當中柴車長嘯入松樹

答許子遜見寄原韻

輸爾曹家碑背詞緘將一語報相思道人近日無他事依舊生涯數首詩

七夕

漫說雙星好別離年年還有鵲橋期人間一奏孤飛曲

蔗塘未定稿

八

地老天荒無會時

銀河清淺映檐牙鳳幄初開鸞扇斜此夕年年忘不得記曾隔巷看停車

寓樓漫成

樓居一榻劇孤清薤簾橫陳欲二更燈暗雁聲來斷續簾疎月魄轉分明校書且改陶陰誤入奩何須蠻觸爭涼氣滿天渾不寐靜聞泉語咽瓶笙

潘莊道中

去々潘莊道秋林似畫中夕陽歸鳥急野寺小橋通撲棗嬉羣稚敲鉦賽社翁村居生計好真有古人風

潞河舟中望盤山

振柁筐兒港凭舷野色賒  
潦平邨見屋霜白岼連沙  
櫓過魚驚擲山遥樹半遮  
田盤何處是吾意在烟霞

夜泊楊邨

雙岼屹高堤笥溝夜氣淒  
槳牙搖月碎帆翅接樓  
齊村犬吠相續露螢吟漸  
低喜聞舟子語蟹價賤於泥

將至天津

歸思濃於酒風慳阻半程  
樹稠知郭近水動識潮生  
魚市千艘集霜天一雁鳴  
往來成底事歲月感崢嶸

輓杜堯勳

蔗塘未定稿

九

倉卒傳凶耗訛言半信疑  
一杯長已矣萬事竟如斯  
獨行爾無忝論交我最悲  
他年經宿草應有泪如縻

次魯啟人庶常見贈原韻即送還越州

暫繫津頭歸越船足音空  
谷喜登然蒼黃蠓紫秋風  
候酒綠燈紅夜雨前久識  
文章摩健翻更憐臭味擷  
香荃承明正待如椽筆莫  
便家江住隔年

寐窳誰慰子雲居忽報高  
軒過芷閭祇恠攬袂投分  
日却當炊白斷腸餘門前  
幸免題凡鳥架上惟應學  
蝨魚宵為閒愁驅萬斛一  
編同勘漆園書

附原作

魯曾煜 啓人

嫋々秋風一檣船聞君姓氏早衰然敢云北牡驪黃  
外真在君厨顧及前聽到微詞傷玉碎貽來好白勝  
金荃最憐絃索千場醉失路英雄正少年  
我未江干擬卜居君猶憔悴似三閭新交却在蒼涼  
後舊事重提涕淚餘善舞寧憂客試宦出遊惟有子  
知魚短檠何日全相對風雨西窓夜讀書

哭談半村

白日荒々園土昏一棺萬古復何言長教玉樹埋幽壤  
空有鴻文動至尊寧莫虞翻無帛客酸辛溫序孰招  
魂平生風義兼師友淚灑松根殷暗吞

蔗塘未定稿

十

除夕

十年以夕未還家每對楸盤涕泪賒不信今宵燈影裏  
却開咲口送年華

桃花口

寒食風光寂可憐春隄十里綠楊烟桃花口外桃苞水  
二月晴波送畫船

曉枕

城頭墮月影如梭喔々雞聲三唱過怡悵舊愁無遣處  
重衾寒擁夢魂多

松花石硯歌

松花石硯古所少產自長白之高巖門攤市集爭購致  
得一不啻千琅玕我生在昔寡嗜好結隣祇愛端溪端  
偶然片石落吾手宵即忘寢晡忘餐亦有石交黃海至  
長揖入坐開心顏筆公楮生共接席晴窓不憚摩挲看  
何況此石更奇特體凝質潤無疵癥微黃淺碧色難狀  
宛如五粒苞光團紅絲蕉白詎足比馬肝龍尾難為攀  
憶昨春明購此石不辭豐價金三鏹沃以井華襲以錦  
時伴漬墨同磨丹爾來自咲讀書嬾言泉枯竭文瀾乾  
琉璃匣破塵垢滿徒貽有識恣譏彈硯乎硯乎我聞異  
材不終棄負爾經歲荒詩壇急須拂拭出韞櫝不然短

蔗塘未定稿

十一

繫牆角同悲嘆

雜憶

竹西亭外好因緣回首迢々春水船落日錦帆人已去  
不須重唱鷓鴣天

一幅紅綃萬縷絲木蘭卷下坐題詞王孫芳草空相憶  
忍聽琵琶彈角兒

拈將紅豆記當年踪跡分張倍黯然廿四橋頭明月在  
照人依舊十分圓

八月初四日招同張眉洲前輩傳閔林編脩佟  
蔗邨隱君遊依綠園即席分賦

野色澹無迹到門忘俗塵  
清秋多勝日靜侶頗宜人  
檻外殘荷褪沙邊浴鷺馴  
坐來幽興劇登眺不辭頻  
小住為佳耳當杯一解顏  
人生艱會合此地足躋攀  
屋占三分水林巖一簣山  
眼前期爛醉不用唱刀環

附  
同作

佟  
鉉  
蔗  
邨

佳會恐憎後侵晨過辟疆  
涼蟬鳴老樹密竹覆清觴  
但乞閒中趣何妨醉作鄉  
幽尋吾不厭步履繞回廊  
翛然林館靜一水抱名園  
坐有濠梁樂門無車馬喧  
會心真不遠得意欲忘言  
凭檻蘆碕望秋聲颯々繁

冬日曉行

蔗塘未定稿

十三

晴旭初升霧未消登車兀兀獨長謠  
寒多且喜村沽賤野潤翻嫌驛路遙  
積潦有冰連極浦空林無葉吼驚颿  
短衣正馬誰家子手握燕弧誇射鷗

偕蔗邨遊稽古寺

何年墨汁灑金壺健筆淋漓照寶趺  
函鎮山門傳掌故也如玉帶解鬚蘇

寺額為家宮詹聲山兄所書

持偈同叅雁子堂尊師分坐小匡床  
忽聞天半風鈴語高閣吹來替戾岡

卷影庵盆梅初放

分明彌勒與同龕鼻觀微々香暗叅  
忽見一枝梅弄影

引将清梦到江南

鹿塘未定稿

三

